

華陽縣志卷三十六

序第十三

郡縣方志宋明為盛成都在宋有趙抃古今集記王剛
 中續記范成大丙記胡元質丁記元至正中亦有成都
 志之誤然今皆無傳本明嘉靖時楊慎纂全蜀藝文志
 意主搜羅文字非圖經例四庫提要稱劉復俊撰者蓋
 升菴以遣戍暫還是時世宗
 尚在而復俊為按察
 司副使避嫌託名也自明至清數百年惟省志再修而
 華陽無聞當嘉慶修省志日縣舉人潘時彤始叙為縣
 志大約因仍省書或鈔撮而剪割之既病蕪冗復多譌
 舛不能善也同治九年知縣王煌議續修聘呂兆奎鄒
 小峩李春霖為總分纂因事中止光緒十八年議聘呂

華三十六 序十三

一

×××

調陽續修呂尋物故復罷自嘉慶十五年至是蓋歷百
 有餘年矣迄入民國縣議會更議立局收歛數葦而事
 竟不就辛未之歲縣庭集議重有此役推鄉先生曾侍
 郎鑑為總理侍郎乃請同縣林思進纂列傳羅運賢纂
 藝文祝同曾纂疆域事紀蒲乃文纂山川水利李德龍
 纂物產廖沅測里度其餘並縣中諸君子分任之蓋志
 議萌芽於前縣長陳法駕成於繼任葉大鏘而綢繆公
 費使不時繼者後任樊學圃力為多計自壬申七月告
 始至癸酉八月斷筆凡全書為篇十三一篇之中又以
 多少分卷地圖十三塘堰水利橋道表二氏族表四縉
 紳科目以下表十三都為卷三十有六總五十餘萬言

侍郎年既高周覽刊剟精力良非所逮則以輯比之任託林思進祝同曾兩人者屢辭弗獲懼於淹遲爲咎乃據諸稿本粗齊其大畧又三月而書成敘曰

華陽置縣溯始李唐成都東南廣都舊疆貴平靈泉廣袤足當今茲所隸六鎮三鄉偉哉壯邑附郭穰穰佳氣鬱葱千載相望述疆域沿革第一

岷山導江秦隴內外溝洫脈散兼資灌溉縣境所受五水爲大兩龍東翔木馬南邁山回水轉趨涸下瀨達於江口分而復會豈伊濫觴神功實沛述山川第二

大夫九能建邦命龜營宇寺署倉庫積穡士肅乎教民戒乎嬉工作織機鰥寡癯罷利導所宜仁政所施事靡

華三十六 序十三

一一

XOX

洪纖一最於斯述建置第三

立國有本取民有經履畝譏稅黃口傳丁明明古誠上下以甯酷斂淫征叫諄罔聽我獨匪民孰爲哀矜述賦役第四

俗有美惡郇卿所言俗何自起禮爲之原幽則鬼神明則冠婚禱賽立社祓禳磔門良辰飲御舊俗綦繁巫祝淫妄刪薙弗存述禮俗第五

赤縣之選奧重材能唐宋多賢亦有尉丞臺府錯峙獄牘拏騰善治流化百里如冰師儒惇誨德行蒸蒸孝秀之倫拔萃而升疇去其籍實懟且憎道咸俄空太息無徵述官師列傳第六

江漢炳靈世載其英井絡之野上播岷精縣當其分自
唐宋而名王李宇文范氏垂聲考雋四海亦越明清蔚
哉士女讚述孔明述人物列傳第七

七畧旣殫四部方啟世異古今不貴削趾紛茲遺著依
類輯比闕墜弗遺敬在桑梓是非得失俟諸惇史述藝
文第八

陵谷易矣維塵冥冥坡陀隱見荒宅故亭丘墓生哀城
闕留銘潘生有言或無其地而有其名梵刹丹青僊化
局枰古往今來亦軫餘情述古蹟第九

謂金石壽乃有蝕泐謂文字久乃有滅息禮殿漢造石
經蜀勒旁魄瑰瑋今蔑一刻金像銅鼓孰僞孰植殘碑

華三十六

序十三

二

×○文

斷誌亦擅亦墨揮彼幽芳發此秘色述金石第十

華實之毛九州上腴豕躑羊蹏鳥罟魚罟一物不具豈
僂上都負郭畝鍾鍾不足輸地匪愛寶人難卒圖述物
產第十一

有明播亂郡乘焚如載記所詳括諸成都華離之辨今
爲權輿曹吏無文鑿空難誣網羅雖勤常謂其疏如曰
不然請事補苴述事紀第十二

凡此十二篇十三圖二十表起例自我不沿舊志旁撫
冥搜非云已備百年鄉故或得一二唐宋之間彌縫則
至太史公言整齊故事副在鄉校來者足式序第十三
民國二十二年歲次閏逢閏茂二月縣人林思進撰

前署華陽縣長兼修志局長陳法駕
前署華陽縣長兼修志局長葉大鏘
前署華陽縣長兼修志局長樊學圃
前署華陽縣長兼修志局長余順猷
現署華陽縣長兼修志局長黃幼甫

總 理會 鑑

編 輯林思進

編 輯祝同曾

分 纂李固基

分 纂洪 寅

分 纂高 祺

華三十六

分 纂馮 藻

分 纂蘇兆奎

分 纂鄧百錯

分 纂張 驥

分 纂蒲乃文

分 纂李 昶

分 纂林思進

分 纂祝同曾

分 纂屈鼎勳

分 纂李永庚

分 纂羅運賢

分

分

輿

測

采

采

采

城

城

鄉

鄉

鄉

鄉

鄉

鄉

鄉

鄉

鄉

鄉

局

局

局

纂李德龍

纂林祖毅

任廖沅

繪徐松濤

任孔慶成

任屈鼎勳

辦張清源

訪鍾文

訪姚策

訪馮源椿

訪周春屏

訪黃國城

訪程燧

訪傅世森

訪余世宗

訪張偉常

訪馮尚忠

訪范克圻

訪馮敬如

訪周寅甫

任屈鼎勳

員曾春熙

華三十六

一一

地

主

訪

主

訪

主

訪

襄

區

采

區

采

區

采

區

采

區

采

區

采

區

采

區

采

區

采

區

采

區

采

區

采

區

采

務

主

局局局局監校校校同刻

員屈敬思

員闕錫涵

員吳長齡

員楊聰

刻林祖穀

刊李固基

刊張清源

刊鍾文

編采校錄

字楊汝楠

華三十六

三

庚辰秋首月申省城林以同

以命其續解地力也御以博

陰月佳此博說激涌其志

思有所至者以口口口是

或思身以口口口口口

